

貴州通志



貴州通志卷之四十四

藝文

賦詩

賦

明

聖泉賦

王杏

客有謂曰岡子曰眇茲牂州叢爾一隙仰視中原
猶寄黑子於人身之一肱其間怪石纍纍如吐如
吞層巖巖如結如浮蟠蒼聳翠連亘綢繆是固
予之所徧歷而旁收者洪邇之曲貴山之幽有水
一泓天鑿其湫名曰聖泉謂匪人謀是殊方之獨

蓋亦賢士所遨遊子嘗知之乎不也日岡子應之
曰吾嘗見茲邦之水矣高者懸瀑下者聚漚濶者
爲港窄者爲溝廣不能容大壑之鱗深僅足泛舸
堂之舟何乃茲泉之名得爲聖者之流子言迂矣
殆亦未之詳搜客曰嘗聞之天惟至公不愛乎道
地惟至平靡惜其寶人文正氣中原多抱山谷之
深溪流之巧彼蒼或爲殊方者造之子胡視之乎
眇漚也哉空言無徵泛聽亦藐口誦之真不如目
擊之了請乘子之暇屈子之輅爲子御重輪駕細
輿借烟景於須臾拂風塵之繚繞相與觀茲泉之
淼淼以明予言之非矯日岡子可之乃惟季春天

日朗霽言秣其駒言膏其轄循郊墟以啟行遡層
阿以深詣動微翠於千旌納輕颺乎短樾屹萬崖
之陰森忽一壑之清麗聲出竹以冷冷風拂面以
泄泄客曰斯聖泉之際也請於是乎少憩以惠吾
子之睇日岡子下車而睇之南山之阡惟谷谿谿
中涵一窟甃以方圓冰列其澌漱瑤滴璇石疏其
罅排琚列蟻湛波光之上下捷瞬息乎飛漩俄而
瀾漫漲於巨川倏而翕聚匯於重淵有若巨海之
鰲兮噴濤吐浸以侵軼乎八埏霎颺風之恬霽兮
吸領迴涎有若玉之麗於日色兮晶光蕩漾於藍
田迨其靜闕兮歛之於半畝之烟聽石鼓以爲候

兮輕重互爲其闕任綸竿以爲測兮高下各得其
平迭往來之相繼兮殊過續之不愆迅時候之反
覆兮妙消長於渙涓陰不能使之溢兮暘不能使
之暖旱不能使之涸兮滂不能使之涇僅一斗之
涵容兮浩氣吞吐乎旻天寄白雲於野草之曠兮
宛潮汐之伸縮於大江之壅凝目以視兮凡幾轉
圓窮神以索兮莫測其然將以爲石竅之間而通
兮泥藪或有時乎闕填或以爲沙水之壅而成兮
陵谷又若是乎屢遷是必蒼蒼之上兮結構於太
乙之前神以爲之範圍兮數以爲之陶甄星宿其
揚波之脈兮河漢其溫觴之源浮槎無所於窺兮

鯨人求涉其偏顧謂客曰是誠聖矣非子之言幾
失此泉非茲泉之勝幾不味子之言緊中原之未
見諒大化之獨全已無有於蜀川之峽又奚數乎
昆明之滇也哉客喜而笑曰因野人之譏譏而見
與君子之明詮否者將不與畝澮之盈同湧湧耶
是固嘉賞之有待抑亦茲水之有緣於是汲水烹
茶釣鱗煮鮮採蘋採藻充皿羅籩泛元酒於蓬壺
兮飛瑪瑙於瓊筵啜醴以遨兮縱真境之無邊廢
考槃之章兮相與永矢於弗諼咏濯纓之歌兮挹
爽於滄波之漣逝者如斯兮悟造化之真傳以茲
爲鑑兮戒光景於流連日臨於西兮驗消息之有

貴州通志 卷之四十四
先樵歌送清兮倚斜曛於崦嵫之巔徜徉天地兮
並匹馬以言旋次第其事於石間兮俟來者有考
於斯編

鰲磯賦

江東之

耽瑞子遊黔二稔撫鎮無庸喟然長嘆偶從直指
應公憇釣磯謁武侯祠見城南河水清連輿梁巨
跨曰美哉水中不停民其魚矣公曰隄津未備潛
澤奚繇障而防之亦其事也相與鳩工壘石擁階
宛然鰲極臨流覽勝遂作斯賦其詞曰余承簡命
言撫黔藩襟楚澤鎖滇垣背烏納面龍番梓柯金
筑簇綺攢幡爾乃命駕平綦郭飲馬平流泉客與

乎南明疑盼乎富川於以相厥攸宜卜築陽
察仰觀上虹下案宛在水中水無漫渙迺造三老
而問之曰孰有當於此者乎河水瀾瀾寧能使逝
者如斯三老對曰僕聞成梁不易防川則難測而
定之有基無壞民其永賴然則君侯之所指也母
亦務是乎願聞其概余告之曰是其源也未窮其
際來自夷筭達涪出定中滙貫城其漲也湯湯乎
若洪濤之浮拍而怒號奔激其耗也涓涓乎若清
冷之赴坎而潺湲淅瀝易盈易涸乍沉乍浮與汨
俱沒與化俱流遠而環之曼寥邈而綽約迥而對
之見阻隘而搏輞峻爲之防驟汜濫而虞決低爲

之闔時淋瀝而逐瀟睠彼涵潭就伊沙渚方廣得
表下高合宁弱水中邱南溟蹲嶼積而能去散而
還聚頽峯天表是曰署賓爲章雲漢秀卓城闕左
巒架筆傍列貴人衍清唐之寒漱兮挹犀馬之甘
泉吸三寶之靈液兮貫明珠以綴連綰北汪之青
柳攬西池之白蓮帶鬢虹之腰玉兮極南浦之紫
漩於是我臺杙控我坻綫紆介在涯崖安於覆盂
飛翬岩堯作鎮鼎湖象文昌與武曲運經緯以昭
憲斷鰲首以立極兮卧長鯨之黃堰廻狂瀾於碨
磧兮厥瑯玕之疊蹙浮海屋之龍宮兮壽虛樓之
非幻步登瀛以出塵兮共題名於塔雁左瞻右睎

徙倚婆娑俯濯清澗反射紋波灘聲陵影晨夕烟
蘿若吟梁父忽起漁歌伊惟幽人漱流枕石心遠
地偏山青水碧灌木叢陰匿景逃籍希躅嚴陵垂
綸自適維九鼎以一絲兮客星隱而名高棹扁舟
之去來兮汎不繫而逍遙遺名利於烟水兮委直
鉤於釣鯢一水盈盈對瞻古廟錦官森嚴諸番並
曜懷美人於三顧兮捲魚水之遘奇余心悅其盡
瘁兮鼎足成而運移誕天威以擒縱兮烏蠻震而
靖夷儼遺容於尸祝兮据最勝之江湄嗟卧龍之
蟠澗雖百世其可師爲龍爲魚一潛一見出處俾
時獲屈虎變旣葆真而閤秀期人傑而地靈榮光

塞河卿靄鬱蒸乘桃浪以遊瀚海兮謂熊飛而干
城挽天河以洗甲兵兮騰八陣之遺英歛蘭若而
奪琳珪兮揆二表於承明進可獻而退可懷兮憂
則違而樂則行山之高而水之長兮登斯臺其含
情匪大夫作賦兮勉爾榮名髦士壯懷之磊落惟
先哲之是程

國朝

他山賦

錢邦芭

瞻寰區之曠曼信山水之離奇乃黔地之荒僻更
聳異而嵌崎既嵒嶺而陡削亦峭嶭而逶迤余也
忘情塵累遊息遐邁茲異境心契神投闢萊穢

於巉岿焚荆榛於峭邱崿嶮高下而畢現窮勞前
後而俱收登極巔以遙矚覺岷岵之奔投烟雲開
宕以萬狀氣象變眩而莫求若夫崧岫嶢嶢以艱
昧洞穴合沓而陰尋廻溪潏潏而滂潰大壑奔崩
以懷靈隱窺地軸之維絡邈測天柱之矗撐至於
叢柯備木干霄礙雲榕樟翹負以飛曳板協楚捷
而隱森春花列綺於所岫秋葉驚霜而換金高霞
華映於幾客朱雲采亂於崑岑獨是奇石硯礫拔
地插天或矗屨而砢砢或礧礧而屈蹇或橫仄而
砢砢或逆豎而倒懸或龍盤而虎奮或鵬舉而鳳
軒或蛟騰而鴻下或獅怒而狻狂叶魚或轟引而

旗導或羽展而翅翻或雲垂而烟斷或浪擁而濤
旋高者遏日下者廻嵐巨者藏谷空者隱潭皺者
膚盛漏者竅含瘦者骨削薄者穀多散者星落簇
著毛毳仰者如囁俯者如凝立者如望欹者如嬉
蹲者如怒踞者如思揚者如舞抑者如企端者如
拱斜者如窺前者如待後者如趨聯者如布斷者
如虧尖者如刺利者如剗既投巖而截嶺亦礧礧
而崑崙川魚兒齟齬而曲峭又巧妙而因依抑且
蒼檜叢倚柏杉掩映篁筍踈密以相間花卉參差
而玉視屏衣庭蝕而綴蒼木根盤嵌而凸勁玉膏
涵潤而甘香石龍疑結而精濶况復淵泉迸湧流

澹成河既汪洋以鷗滿亦款濺而廻紆兼曲汀而
斜渚更危嶼而於渚加之高柳叢生於浩淼枝柯
披蔭於洪渠荇藻絲牽而帶續片莖斜刺而劍舒
禽鳥間關於林杪鳬鷺泳唼於蒲菰連峯倒影於
波底懸崖插根於水隅以至湍澌澗瀑石折崖廻
穴鳴竅答響傾岫摧魚鳥騰躍而莫定柯葉浮盪
而橫排山因水而幽窅水得山而紆廻維山有亭
名曰拜石斲木結茅依林傍窟據岬岬之龍從當
碑序之萃帆破硤拱侍而碁羅碁附碕以陡嶽
况復蹙烟佇嵐洗雨伴月時探奇而入影時伐虛
而剔骨雲根割瀉夫珠泉砭脚橫穿乎木甲

叶吉
協切

維水有舟名曰怡愛一葉浮波清流獨漱淥淪漪
而上下棹苔萍而簇湊遊輕漪而織影盪素瀾而
破蕖涵嫩綠於霄光挹柔碧於空秀月采沉璧而
濯金雨痕潄沫而漂漚河鳥侯切蘭橈宛轉而夷猶布
氈飄拂而邂逅維山之陽南望鰲溪山幽水繞泉
石多姿旣峴岬而明麗亦嶺嶠而舒徐盼立鐘而
接招隱望洞鶩而訪石鷄登峯西眺山曰五雲千
崖曉望萬壑曉深猿巢仰瞻而神悸澗戶俛瞰而
骨驚鷗鷺欽翮而莫度伏猱援蘿而懼深非禪棲
之修侶孰追級而遐登厥峯之陰山名佛頂杉溪
環帶清駛絕影曉曠窅窅而難躋巉巖嶭嶭而奚

聘名刹焜耀於危巘鐘鼓響傳於絕畛樹駐曦而
虧耀巒障蟬而蹴景石磊砢而層疊泉瀑注而瀉
井西南遐矚涓水如綫庵曰西來塘名古練當水
轉而山環亦村古而林菁幽人於焉結契賢士或
爾憑眷環山百里萃茲名區龍潛鳳舉霞隱雲遊
叶羊明哲晦跡而耕牧英流韜采而魚枯乃復深
朱切宵歌嘯詩酒歡娛聲林隔而遙答氣谷短而潛呼
於是雅尚相憐淪落爲友朝夕過從味親蘭臭風
雨無阻於昏冥歲月雖賒而猶邁時登高以遐想
或聯袂而紆逢時銜觴以遠望或白眼而移時當
唱和之相得毋感慨而淋漓何諸子之高尙矢肥

遜以相期况山水之可樂奚荒寂之自疑且竒聞
之共賞質今古而無欺復品行之修潔實風流而
可師吾將托此以終老造化於我其何私

朱砂賦

田雯

考夫銀燭流於朱提銅山啟於吳會合浦有夜還
之珠番禺有醋潑之瑁精鏐美蕩林邑螢飛黃鵠
青雅錫蘭流漬西域之苜蓿葡萄南粵之珊瑚翡
翠莫不居之爲竒有以爲利至若丹砂之名首見
禹貢與砥砮而並稱入髹漆以成用鐘乳質近而
形分紫英體殊而貌共烹而練之絳雪攪膏餌而
服之十洲三洞術傳鴻寶鷄犬昇雲書秘枕函杖